



**KEMENTERIAN PERTANIAN DAN INDUSTRI MAKANAN  
JABATAN PERKHIDMATAN VETERINAR**

**GARIS PANDUAN PERMOHONAN LESEN MENGIMPORT MAKANAN  
HAIWAN ATAU BAHAN TAMBAHAN MAKANAN HAIWAN**

# TARIKH KUATKUASA GARIS PANDUAN

1 JANUARI 2010

## 1. NAMA PELESENAN

Lesen Mengimport Makanan Haiwan atau Bahan Tambahan Makanan Haiwan.

## 2. NAMA AGENSI/ PIHAK BERKUASA MELESEN

Jabatan Perkhidmatan Veterinar.

## 3. PUNCA KUASA / ASAS PERUNDANGAN PENGELUARAN PERLESENAN

Akta Makanan Haiwan 2009 (Akta 698), Bahagian III, Subsyeksyen 9 (1) dan Peraturan-Peraturan Makanan Haiwan (Lesen Untuk Mengimport Makanan Haiwan atau Bahan Tambahan Makanan Haiwan) 2012, Seksyen 3 (1).

## 4. OBJEKTIF PERLESENAN

Mengawal selia kualiti makanan haiwan dengan mengawal pengimportan, pembuatan, penjualan dan penggunaan makanan haiwan dan bahan tambahan makanan haiwan, untuk memastikan bahawa makanan haiwan memenuhi keperluan nutrien bagi haiwan, tidak memudaratkan haiwan dan tidak tercemar supaya haiwan dan keluaran haiwan selamat untuk dimakan oleh manusia dan selamat untuk kegunaan lain, dan bagi perkara lain yang bersampingan dengannya.

## 5. KETERANGAN PERLESENAN/ APA YANG DILESEN

Pengimportan Makanan Haiwan atau Bahan Tambahan Makanan Haiwan.

## 6. SIAPA YANG BOLEH MOHON/ KELAYAKAN PEMOHON

- i. Warganegara Malaysia,
- ii. Syarikat yang berdaftar dengan Suruhanjaya Syarikat Malaysia (SSM).

## 7. BILA PERLU DIPOHON

Pada bila-bila masa. Permohonan disemak berdasarkan *first come, first served basis*.

(Mesyuarat diadakan 2 bulan sekali).

## 8. BAGAIMANA CARA NAK MOHON/ KAEDAH PERMOHONAN (ATAS TALIAN@MANUAL)

ATAS TALIAN	eamh.dvs.gov.my (sistem e-AMH)
MANUAL (Serahan salinan permohonan e-AMH, <i>Certificate Of Origin</i> (COO)/ <i>Free Sale Certificate</i> (FSC) dan <i>Certificate Of Analysis</i> (COA) original.	Urusetia Lembaga Makanan Haiwan, Seksyen Kawalselia Makanan Haiwan, Bahagian Regulatori Veterinar, Jabatan Perkhidmatan Veterinar, Aras 1, Lot 4G1 Blok Podium 1B, Wisma Tani, No.28 Persiaran Perdana, Presint 4, 62624 Putrajaya.

## 9. PIAGAM PELANGGAN (TEMPOH PEMROSESAN DALAM HARI/JAM/MINIT)

Menerima dan menyemak permohonan atas talian, salinan borang permohonan e-AMH Lesen Mengimport Makanan Haiwan atau Bahan Tambahan Makanan Haiwan, dokumen COO/FSC & COA original yang LENGKAP.	7 HARI
Melaksanakan LAWATAN PREMIS bagi tujuan verifikasi premis.	14 HARI
Membentangkan permohonan Lesen Mengimport Makanan Haiwan atau Bahan Tambahan Makanan Haiwan ke dalam Mesyuarat Jawatankuasa Teknikal Makanan Haiwan untuk mendapat kelulusan dan perakuan daripada Ahli Jawatankuasa.	30 HARI
Memaklumkan kepada pelanggan samada permohonan mereka ditolak/ditangguhkan dan tindakan susulan.	1 HARI
Mencetak Lesen Mengimport Makanan Haiwan atau Bahan Tambahan Makanan Haiwan serta mendapatkan tandatangan Pengerusi Lembaga Makanan Haiwan sebelum Lesen diserahkan kepada pelanggan yang telah mendapat kelulusan.	7 HARI

## 10. SYARAT-SYARAT SEBELUM & SELEPAS PERMOHONAN

Sebelum: Memohon secara atas talian dan menghantar salinan borang permohonan e-AMH, dokumen COO/FSC dan COA original kepada Urusetia.


Selepas: Membuat pembayaran selepas permohonan diluluskan.

### **Permohonan Lesen Mengimport Temukut (Syarat-syarat Tambahan).**

- i. Pengimportan temukut dibenarkan hanya bagi tujuan penghasilan makanan ternakan sahaja dan terbuka kepada pengimport yang terdiri daripada **pengilang/pembuat** makanan ternakan.
- ii. Temukut yang dibenarkan untuk diimport adalah terdiri dari beras tidak bergred yang isi hancur beras adalah kurang dari 2/10 purata panjang bijian penuh beras berukuran 7.35mm. Ukuran saiz temukut yang digunapakai adalah tidak melebihi daripada 1.47mm.
- iii. Komposisi yang dibenarkan untuk pengimportan temukut bagi diproses sebagai makanan ternakan adalah 90% temukut berukuran tidak lebih dari 1.47mm dan 10% beras hancur halus berukuran di antara 1.48mm hingga 3.68mm.
- iv. Pemegang lesen borong beras daripada KPB tidak dibenarkan untuk menjadi pengimport temukut. Pengesahan berkaitan pemegang lesen borong beras boleh dirujuk ke Unit Perlesenan, Cawangan Kawalselia Padi dan Beras, Bahagian Industri Padi dan Beras, Putrajaya.
- v. Pengimport hendaklah mempunyai Lesen Mengimport , Sijil Pendaftaran Pembuat dan Sijil Pendaftaran Penjual Makanan Haiwan atau Bahan Tambahan Makanan Haiwan daripada Lembaga Makanan Haiwan, DVS.
- vi. Kemasukan temukut hanya dibenarkan melalui 4 pelabuhan sahaja iaitu Pulau Pinang, Port Klang, Pasir Gudang, dan Kuantan.
- vii. Bagi tujuan kawalan, pengimport hendaklah memohon permit pemindahan antara negeri daripada mana-mana Pejabat KPB berhampiran jika melibatkan pemindahan temukut antara negeri.
- viii. Sebarang operasi pengimportan, pembuatan dan penjualan hendaklah direkodkan melalui sistem e-AMH.

## 11. LANGKAH-LANGKAH PERMOHONAN (TERMASUK CARTA ALIR (FLOW-CHART))

### CARTA ALIRAN KERJA PERMOHONAN BARU LESEN MENGIMPORT MAKANAN HAIWAN ATAU BAHAN TAMBAHAN MAKANAN HAIWAN



## 12. SENARAI KEPERLUAN MAKLUMAT YANG PERLU DIKEMUKAKAN (CHECK LIST)

Bil	Perkara	Catatan
1.	<p><b>Salinan Kad Pengenalan (Bagi permohonan baru/Pertukaran nama pemohon)</b></p> <p>Pemohon hendaklah mempunyai liabiliti dalam syarikat; &amp; merupakan warganegara Malaysia  <b>Sila beri salinan yang jelas.</b></p>	Muatnaik dalam e-AMH
2.	<p><b>Salinan MAA (Bagi permohonan baru/Pertukaran nama pemohon)</b></p> <p>Sila lampirkan salinan Memorandum and Articles of Association bagi syarikat Sdn Bhd. Bagi syarikat selain Sdn Bhd seperti Enterprise, sila lampirkan <b>SSM, Form 49</b> diperlukan sebagai sokongan keatas jawatan pemohon sebagai pengarah.</p>	Muatnaik dalam e-AMH
3.	<p><b>Senarai Pintu Masuk</b></p> <p>Sila rujuk (SENARAI PINTU MASUK DI BAWAH AKTA PERKHIDMATAN PEMERIKSAAN DAN KUARANTIN MALAYSIA 2011)</p>	Dipilih dalam sistem e-AMH (max 12 pintu masuk)
4.	<p><b>Penyata Negara Asal (Certificate of Origin)</b></p> <p>Sijil ini hendaklah dikeluarkan oleh pihak berkenaan/berkaitan negara asal pengeport (Kerajaan). <b>Sila beri salinan asal.</b></p> <p>Free Sale Certificate (FSC) boleh diguna sebagai COO. FSC hendaklah dikeluarkan oleh pihak berkuasa yang kompeten negara asal. <b>Sila beri salinan asal</b></p>	<b>Dokumen Asal/Original Dihantar Kepada Urusetia</b>
5.	<p><b>Spesifikasi makanan haiwan atau bahan tambahan makanan haiwan (Certificate of Analysis) Sila beri salinan asal.</b></p> <p>Spesifikasi/ sijil analisis hendaklah:</p> <ol style="list-style-type: none"> <li>Disahkan oleh pihak berkuasa yang kompeten (Kerajaan Negara asal) nama, jawatan dan alamat agensi pegawai pengesah diperlukan; ATAU</li> <li>Dikeluarkan oleh makmal kerajaan Negara asal (sesalinan sijil pengiktirafan sebagai makmal kerajaan hendaklah disertakan); ATAU</li> <li>Dikeluarkan oleh makmal pihak ketiga <b>Negara Asal</b> yang mendapat persijilan <b>ISO 17025</b>(sesalinan sijil akreditasi makmal ISO 17025 hendaklah disertakan)</li> </ol>	<b>Dokumen Asal/Original Dihantar Kepada Urusetia</b>
6.	<p><b>Penyata pengilangan</b></p> <p>6.1 <i>Process flow</i> penghasilan item dengan menerangkan cara pembuatan serta bahan mentah (raw material) yang digunakan.</p>	Muatnaik dalam e-AMH
	<p>6.2 Satu penyataan <b>deklarasi daripada pihak pengeluar</b> bahawa item yang diimport samada <b>mengandungi atau tidak unsur tumbuhan, binatang, karkas, ikan, keluaran pertanian, tanah atau mikroorganisma</b></p>	Muatnaik dalam e-AMH
	<p>6.3 Satu <b>penyata deklarasi</b> daripada pembuat dengan menyatakan sumber biologik yang digunakan dan nama saintifiknya (bagi item biologik sahaja)</p>	Muatnaik dalam e-AMH (sekiranya berkaitan)

7.	<p><b>Penyata pembungkusan</b></p> <p><b>Gambar bungkusan, tepi, depan dan belakang.</b> Gambar hendaklah <b>berwarna dan jelas.</b></p>	Muatnaik dalam e-AMH
8.	<p><b>Penyata pelabelan</b></p> <p>Gambar label pada bungkusan dengan <b>berwarna dan jelas.</b> Label hendaklah memenuhi keperluan Peraturan - Peraturan Makanan Haiwan (Pelabelan Makanan Haiwan Atau Bahan Tambahan Makanan Haiwan) 2012.</p> <p>Sekiranya item diimport secara pukal, satu pernyataan pelabelan perlu dicetak pada sehelai kertas dan disertakan bersama permohonan lesen mengimport. Ia juga perlu disertakan bersama konsainan semasa pengangkutan.</p> <p>Penyataan pelabelan perlu mengandungi perkara tersebut:</p> <ul style="list-style-type: none"> <li>(a) <b>jenama produk;</b></li> <li>(b) <b>negara pembuat;</b></li> <li>(c) <b>jenis haiwan yang dirujuk</b> dan tujuan penggunaan;</li> <li>(d) <b>nama dan alamat pembuat</b> termasuk pengimport, pengedar tunggal atau pengeluar;</li> <li>(e) <b>jenis ramuan mentah;</b></li> <li>(f) sekiranya makanan haiwan mengandungi daging babi, atau terbitan atau lemaknya, pernyataan kehadiran daging babi sedemikian, atau terbitan, atau lemaknya dalam makanan haiwan, dalam bentuk "MENGANDUNGI (menyatakan sama ada daging babi, atau terbitan, atau lemaknya mengikut mana yang berkenaan)" atau dengan perkataan lain yang menunjukkan hal ini;</li> <li>(g) <b>kandungan nutrien;</b></li> <li>(h) nama dagang bahan antibiotik aktif, takat pemasukan dan tempoh penarikan;</li> <li>(i) takat pemasukan hormon;</li> <li>(j) nama dagang bahan aktif bagi bahan kimialain;</li> <li>(k) <b>berat bersih</b></li> <li>(l) <b>tarikh pembuatan dan tarikh luput</b></li> </ul>	Muatnaik dalam e-AMH
9.	<p><b>Penyata pendaftaran item-item yang disebut sebagaimana yang diperlukan oleh Akta-Akta lain yang berkaitan.</b></p> <p>9.1 Produk Biologik [probiotik, yis, enzim, hormon, vaksin], memerlukan satu salinan surat kelulusan daripada Seksyen Perubatan dan Bahan Biologik Veterinar, DVS</p>	Muatnaik dalam e-AMH (sekiranya berkaitan)
	<p>9.2 Produk yang mengandungi asas haiwan (selain ikan) memerlukan satu salinan surat kelulusan daripada Seksyen Kuarantin dan Import Eksport, DVS.</p>	Muatnaik dalam e-AMH (sekiranya berkaitan)

13. SENARAI PEMBAYARAN/MAKLUMAT BAYARAN (FI/CAJ) YANG DIKENAKAN

No.	Peraturan	Tajuk	Fi (RM)
1.	3(3)	Lesen baru	600
2.	8(3)	Pembaharuan Lesen yang sedia ada ( <b>pada atausebelum 1 Disember setiap tahun</b> )	500
3.	8(5)	Permohonan lewat bagi pembaharuan Lesen yang sediaada ( <b>selepas 1 Disember setiap tahun</b> )	1,000
4.	9(3)	Salinan pendua Lesen yang hilang, rosak atau musnah	100 setiap lesen
5.	10(3)	Lesen bagi perubahan maklumat dan butir-butir	50 setiap lesen

14. MAKLUMAN KEPUTUSAN PERMOHONAN / OUTPUT YANG DIKELUARKAN KEPADA PEMOHON


OUTPUT	Lesen Mengimport Makanan Haiwan atau Bahan Tambahan Makanan Haiwan.
KAEDAH PENYAMPAIAN KEPUTUSAN KEPADA PEMOHON	Notifikasi email yang didaftarkan pada sistem e-AMH pemohon dan status lulus pada akaun e-AMH syarikat.

15. MAKLUMAT PEMBAHARUAN/ PINDAAN/ PEMBATALAN (JIKA BERKAITAN)

- i. Pemohon **mestilah** membuat pembaharuan Lesen Mengimport Makanan Haiwan atau Bahan Tambahan Makanan Haiwan **pada atau sebelum 1 Disember setiap tahun** dan **wajib mengisi rekod pengimportan sepanjang tahun** berkenaan pada sistem e-AMH.
- ii. **Bagi sebarang pindaan/perubahan/pembatalan**, pemohon perlu memohon pada sistem e-AMH dan menghantar dokumen berkaitan kepada Urusetia seperti pada senarai semak yang ditetapkan dengan lengkap (perkara 12).



**CARTA ALIRAN KERJA**  
**PERMOHONAN PEMBAHARUAN LESEN MENGIMPORT MAKANAN HAIWAN ATAU BAHAN**  
**TAMBAHAN MAKANAN HAIWAN**



*\*sekiranya diminta*

## 16. RUJUKAN YANG BERKAITAN

- i. Akta Makanan Haiwan 2009
- ii. Peraturan-Peraturan Makanan Haiwan (Lesen Untuk Mengimport Makanan Haiwan Atau Bahan Tambahan Makanan Haiwan) 2012
- iii. Peraturan-Peraturan Makanan Haiwan (Pelabelan Makanan Haiwan Atau Bahan Tambahan Makanan Haiwan) 2012
- iv. Peraturan-Peraturan Makanan Haiwan (Antibiotik ,Hormon dan Bahan Kimia Lain Terlarang) 2012
- v. Peraturan-Peraturan Makanan Haiwan (Pembuatan Dan Penjualan Makanan Haiwan Atau Bahan Tambahan Makanan Haiwan) 2012
- vi. Peraturan-Peraturan Makanan Haiwan (Kaedah Menganalisis Makanan Haiwan Dan Bentuk Perakuan Analisis) 2012
- vii. Peraturan-Peraturan Makanan Haiwan (Peraturan-peraturan Makanan Haiwan (Kesalahan Boleh Kompaun) 2019